



Inatsisartunut ilaasortaq
Harald Bianco, Inuit Ataqatigiit
/Maani

Isorliunerusuni inuussutissat akii pillugit § 37 naapertorlugu apequteqaammut nr. 114-2024-mut akissut

Asasara Harald Bianco,

Inatsisartut Suleriaasianni § 37, imm. 1 naapertorlugu isorliunerusuni inuussutissat akii pillugit Naalakkersuisunut apequteqaateqarputit.
Apeqqutit uannit akisassanngorlugit innersuunneqarput.

1. Isorliunerusuni pisiassat ingammik nerisassat peqqinnartut mersernartumik akitsoraluttuinnarnerat Naalakkersuisut iliuseqafiginiaarpaat?

Akissut:

Naalakkersuisut ulluinnarni pisiassat akiinik aalajangersaaneq ajorput. Nioqqutissanik pilersuineq pillugu kiffartuussinissamut isumaqatigiissummi allassimavoq, nioqqutissanut tunngaviusunut akit agguaqatigiissillugit nioqqutissanik pineqartunik kalaallit atuinerannut nallersuutaasartut ineriartornerinut naleqqutissasut.

KNI-p 2022-mi peqqissutsimut periusissiaq "Oqimaaqatigiinneq Pitsaasoq" suliaraa, tassanilu illoqarfanni najugaqarfannilu minnerni peqqissutsip toqqaannartumik suliniutigineqarnissaa aallaavigineqarpoq. Pilersuisup ilaatigut Reitan Distribution nioqqutissanik REMA1000-imeersunik pilersuineq pillugu ukiuni tallimani atuuttussamik isumaqatigiissuteqarfigaa, tassanilu inuussutissat pitsaasut, peqqinnartut akitigullu nammanneqarsinnaasut siunnerfigineqarput.

2. Isorliunersuni umiarsuakkut pilersuiffiup avataani (ukiukkut) nioqqutissat timmisartukkoortut nalinginnaasumik pingasoriaammik sisamariaammiluunniit akeqalertarnerat Naalakkersuisut iliuseqarfiginiarpaat?

Akissut:

Apeqqut 1-imut akissutigineqartup assinganik innersuussisoqarpoq.

Ataatsimut isigalugu illoqarfanni minnerusuni nunaqarfinniluunniit pisiniarfimmik ingerlatsineq assersuutigalugu Nuummi, Sisimiuni Ilulissanilu ingerlatsinermut naleqqiullugu akisuneruvoq. Taamaattumik Pilersuisoq ataatsimut isigalugu nioqqutissanik siaruarternermut, toqqortaqarnermut, aserfallatsaaliuinnermut il.il.

Allakkap ullua: 20-06-2024
Suliap nr.: 2024 - 11520
Allagaatip ilisarnaataa:
24196443

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

aningaasartuuteqarnerusarpoq. Tamatuma saniatigut pisiniarfinni ataasiakkaani sullitat tunngavigineqartut ikinnerungaatsiarput – ikiliartorlutillu. Taamaattumik Pilersuisoq nioqqutissanik neqerooruteqartarnermik illoqarfinni annerusuni misigineqartartut annertoqataanik, Pilersuisumi isertitassanut eqquinngitsumik neqerooruteqartarsinnaanngilaq. Pilersuisup sapinngisamik nunatsinni agguaqatigiissitsinerit malinniartarpai, tamannalu nalaatsornerinnakkut tiguisarluni misissuinikkut ingerlaavartumik naliliiffigineqartarpoq. Neriuppunga matuma siuliani allaqqasuni akissutitit akineqartut.

Inussiarnersumik inuulluaqqusillunga

Kalistat Lund



INUIT ATAQATIGIIT

Inatsisartuni



Maajip 27-at 2024

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiupparkka.

Naalakkersuisunut apeqqutit:

- 1. Isorliunerusuni pisiassat ingammik nerisassat peqqinartut mersernartumik akitsoraluttuinnarnerat Naalakkersuisut iliuseqafiginiarpaat?**
- 2. Isorliunersuni umiarsuakkut pilersuiffiup avataani (ukiukkut) nioqqutissat timmisartukkoortut nalinginnaasumik pingasoriaammik sisamariaammiluunniit akeqalertarnerat Naalakkersuisut iliuseqarfiginiarpaat?**

(Inatsisartuni ilaasortaq Harald Bianco, Inuit Ataqatigiit)

Tunngavilersuut:

Piffissami matumani arajutsisimaneqanngilaq isorliunerusuni pisiassat ingammik nerisassat akitsoraluttuinnarnerat. Ingammik innuttaasut aningaasarsiorfissamik (suliffisarnik) amigaateqarfiusumik najugalinnut nerisassat peqqinartut pisiarinissaat akitsungarmata mersernarsigaluttuinnarput sulilu akitsoriartorlutik.

Ukiukkut silaannakkut (Timmisartukkut) pilersuineq ingerlanneqalertarpoq. Taamaalinerani akit ima qaffisitsigisarput, akissakittunit pisiarinqarsinnaasaratik. Assersuut; piffissami matumani Tasiilami pisariaqartitanik timmisartukkoortunik KNI nioqquteqarpoq. Naatsiat 850 grammit kr. 61,00-qarput. Soorunami akissaqarnerit kisimik pisiarinnasaat.